



X

N<sup>o</sup> 4619 \*

530

00 J



Meist. von dem Fürstbischöflichen  
Acten Hofen in dem  
Mitteln nach obigen Erwägungen  
von dem Reformierten in  
Frankreich befolgt.

**Kurtze vorantwor-**  
tung des Churfürsten zu Sachsen / Her-  
zogen Augusti/etc. etlicher erdichteten vnwarhafft-  
tigen Bezichtigung halben / So durch die erklereten  
Echter / vnd iren Receptatorn wider seine Churf.  
S. ausgebreitet worden. Als ob dieselbige vnter  
dem schein / gegenwertiger von wegen der Key.  
Mant. vnd des heiligen Reichs / befohlnen Execu-  
tion/die ware Christliche Religion ausrotten. Die  
Graffen/Herren/vnd vom Adel vordrücken/Auch  
Herzogen Johans Friderichen von Sachsen/  
gewesene Lande vnd Leute an sich  
bringen wolte / etc.



Anno 1 5 6 7.

Handwritten text in a Gothic script, likely a list or index, with some lines appearing to be bleed-through from the reverse side of the page.



Blum 1 2 3 4



# **D**S kompt dem Churfürsten zu Sachsen/ Herzogen Augusto/etc. glaublich vor/Wie das Herzog Johans Fri- derich von Sachsen/nebē dem Erz

echter Wilhelm von Grumbach / vnnnd andern set-  
zen mit Echtern vñ auffrührischen Landfriedbre-  
chern vnd Anhangern / vor der zeit vnnnd noch auff  
diese stund / Seine Churf. S. mit allerhand vnwar-  
hafftigen vorgeben / felschlich vnd vnerfindlich / in  
die Leut bilden vnd austragen / vnd zu beschönung  
jrer Rebellion / vnd S. Churf. S. erdichteter vor-  
unglimpffung vnd verleumbnis / an den Ortern /  
do sie einen anhang vnnnd beysal zu haben vormei-  
nen / S. Churf. S. nachfolgender dreier Strück bes-  
ziehriegen sollen.

Nemlich vnd zum Ersten / Das S. Churf. S.  
bey vorrichtung dieser Execution / vnd gemeiner  
Justicien wercks darmit vmbgehe / die ware Christo-  
liche bisher erkante vnd bekante Religion zu verfol-  
gen / zu vnterdrücken vnd auszurotten.

Zum Andern / Das S. Churf. S. ein sonder-  
licher Feind der Graffen / Herrn vnd Adels / vnnnd  
derhalben endliches vorhabens sey / dieselbigen zu  
vnterdrücken / vnd sie vmb alle jre Freiheiten / Hab  
vnd Güter zu bringen.

Zum Dritten / Das S. Churf. S. Herzog  
Johan Friderichen von Sachsen / nach Landen  
vnd Leuten trachten / vnd dieselbigen gern an sich  
bringen wolte.

A ñ

Wiewol

Wiewol es nun vmb diese Bezeichnung ders  
massen geschaffen ist / Das die Röm. Key. May.  
vnser aller gnedigster Herr / neben allen Friedlie/  
benden des heiligen Reichs / Chur vnd Fürsten/  
nicht weniger / als S. Churf. G. dorunter gemeinet/  
beschwert vnd angetastet werden / Vnd S. Churf.  
G. in keinen zweuel stellen / Ehrliebende / Redliche /  
aufrichtige vnd frome Biederleut / so Gott vnd die  
Obigkeit vor augen haben / auch die Warheit von  
der Vnwarheit zu vnterscheiden wissen / lassen sich  
solche grobe vnd vnnorschempte Lügen wenig an/  
fechten.

Dieweil man aber (dem Sprichwort nach) ei/  
nem Lügner zu weilen / ja so tieff in hals sihet / als  
einem der da war redet / vnd vielleicht mancher fro/  
mer gutherziger Biederman / Ob er schon vor sich  
selbest die Vnwarheit hier in wol spüret / gleichwol  
darnach vorlangen tregt / Das dieselbige auch  
durch S. Churf. G. selbst vorantwortung / vnd ab/  
lehnung weiter an tag geben möcht werden. Als ha  
ben es S. Churf. G. lezlich doran auch nicht man/  
geln oder erwinden lassen wollen.

**S**ouiel nun anfenglich die Reli/  
gion betriffe / Achten S. Churf. G. von vnnöten  
derselben aufflagen halben viel wort zu vorlieren /  
Sintemal menniglich im ganzen Deuschland /  
auch vielen frembden Königreichen vnd Landen  
vnuorborgen ist / Das sich S. Churf. G. sampt  
iren Chur vnd Fürstenthumen zu der reinen / vnuor/  
felschten Lehr des heiligen Euangelij / so in den Pro  
phetischen

phetischen vnd Apostolischen Schrifften begriffen/  
auch von den vier heubt Concilien bestetiget/ vnd in  
der Augspurgischen Confession zusammen gezogen  
ist/ bekennen/ Dieselbige soniel an jr/ trewlich erhal-  
ten vnd handhaben/ vnd in den Kirchen vnd Schu-  
len S. Churf. S. Lande gar keine vordamliche  
Secten/ wie die auch Namen haben/ gedulden/  
Dessen sich auch S. Churf. S. nicht allein jzo/ son-  
dern auch hievorn auff allen gehaltenen Reichstas-  
gen/ vnd doneben durch viel feltige Schrifften of-  
fenlich erkleret haben/ Vnd vormittels Götlicher  
hülff die zeit ihres Lebens/ weder in ihrem hertzen/  
noch den Kirchen vnd Schulen im Lande kein an-  
ders wissen noch leiden wollen.

Das aber S. Churf. S. von der auffrührischen  
Gottlosen vnd zum teil zaubrischen Blutrort oder  
jren Anhangern ein anders felschlich zugemessen/  
vnd also die Religion von jnen zu verführung des  
gemeinen Mans zum Schantdeckel misbrauchet  
vnd angezogen wird/ Solches ist nichts neues/  
sondern von anfang der Welt bey allen jres gleich-  
en Rebelligischen Aufführern vnd Zerstörern gemein-  
nes friedens also gespüret worden vnd herkommen.

Vnd im grunde dauon zu reden/ so hat Hero-  
zog Johan Friderich oder seine anhangende Rebelo-  
lische Coniuraten zu diesem jrem erdichteten vorge-  
ben/ wider S. Churf. S. keine andere ursach/ dann  
das sich S. Churf. S. von der Römischen Key.  
May. vnd andern des heiligen Reichs Stenden/ so  
sich zu der Augspurgischen Confession nicht bekens-



nen / vnd doch ob dem hoch bedenerem Religion  
vnd Landfrieden / als Ehrliebende Stende/  
der löblichen Deudschen Nation getrewlich zu  
halten gedencken / In vornewerung der Acht vnd  
einhelligem Beschlus der Execution / wieder die  
Lchter vnd ire Receptatorn nicht absondern / noch  
iren auffrührischen beginnen / beifal hat geben wol  
len / Inmassen alle andere der Augspurgischen  
Confession vorwante Churfürsten / Fürsten vnd  
Stende auch gethan haben / Dann one das / vnd do  
S. Churf. G. irem auffrührischem Blutdürstigem  
vorhaben wider egliche gehorsame des heiligen  
Reichs Stende zusehen / vnd inen dazu heimliche  
vorschübe zu thun oder nur darzu still zusitzen / sich  
erklären hetten wollen. Würden S. Churf. G.  
von denen Gesellen nicht alleine ( wie 170 Herzog  
Johan Friderich geschicht ) vor einen vortrefflich  
en Adels freund gerühmet / sondern auch als ein bes  
sonder hoher erleuchter Heilige / dem Grumbachs  
vormeinte Engel oder zauberischen Teuffelsgei  
ster hetten vorgehen vnd auffn dienst warten müs  
sen / gelobet sein worden / Davor aber Gott der  
Allmechtige S. Churf. G. gnediglich bisher behüt  
et hat / vnd ferner wol behüten wird.

Vom gegen Spiel aber / vnd von Herzog Jo  
hans Friderich zu reden / wasser Religions vnd  
Glaubens er mit seinem Seellosen Lchter Grum  
bachen etliche Jahr her gewesen vnd noch sey / Do  
frage man seine Hoffprediger / Superattendenten /  
Lehren vnd vnterthanen / in seinen gewesen ganz  
en Landen / Was sie von den Engeln oder Teuffels  
trencken /

trecken/so Herr vnd Knecht mit einander gesoffen / Desgleichen dem Schatzgraben vnd andern zauberischen/Aberglaubischen/vnchristlichen handeln mehr/so sie mit einander getrieben/vnd sich zusammen geschworen haben sollen/erfahren/ gesehen/ vnd gehöret/vnd eins teils öffentlich in den Kirchen vnd auff den Cangeln dorauß geprediget / gescholten/gebeten / vnd zur Bus vormanet / Aber doch mit solchem irem schelten /bitten vnd ermanen nichts ausgerichtet haben/ Ja auch erlicher Chur vnd Fürstlicher Personen/ Väterlich/ Brüderlich/ vnd Christlich ersuchen/bitten vñ vormanen/gantz vnd gar vorachtet gewesen/ vnd den Predicanten vnd Seelsorgern in sonderheit bey Leibs straff geboten sol sein worden/Solcher Abgötterey hinfuro nicht zu taxieren/ oder dero auff der Cangel zu gedendenken/ Wie sie denn auch noch in jziger Belagerung solche Zauberey fort vnd fort treiben/ vnd ire Engel vñ Rath/hülff vnd beystand befragen vnd ersuchen sollen/ Welches alles dem Churfürsten zu Sachsen/ Irer beiderseits Christlichen Anherren vnd Vorfahren/ Ja des ganzen löblichen Hauses zu Sachsen halben nicht alleine zu hören vñ zu wissen/ sondern auch daran zugedencken / billich zum höchsten bekömmmerlich vnd schmerzlich ist.

**Was dann die andere Vorleumbung vñ Bezichtigung anlangt/** So von Herzog Johan Friderichen / in der gedruckten antwort an die drey Chur vnd Fürsten/ Pfaltz/Gülich/vnd Hessen angezogen/ als das S. Churf. G. des Adels

Adels/ oder wie die **Lehrer S. Churf. G.** dotteben  
weiter ausschreyen/ auch der **Graffen vnd Herren**  
Feind sey/ vnd damit vmbgehe / dieselbigen wider  
recht vnd billigkeit zu beschweren/ vnnnd endlich vnt  
ter zudrucken. Ob sich wol dieselbigen Lügen/ durch  
sich selbst straffet / vnnnd das Widerspiel durch viel  
ehrlliche **Graffen/ Herren / vnd vom Adel / in vnnnd**  
aufferhalb **S. Churf. G. Lande** gefessen / den **S.**  
**Churf. G.** allerley Gnade vnd guts offtmals erzei  
get / vnd künfftig weiter zu erzeugen geneiger/ ist/  
gnugsam bezeuget wird. So sagt doch **S. Churf.**  
**G.** zu rettung ires disfalls Fürstlichen glimpffs vnd  
wissentlicher vnschuld / wer **S. Churf. G.** solches  
zumessen darff/ es geschehe gleich **Schrifflich** oder  
**Mündlich/** das derselbige **S. Churf. G.** darin felsch  
lich vnd bösllich andichtet/ vnd mit lauter **Unwar**  
heit anleuget/ auch dasselbige nimmermehr zu ewis  
gen zeiten nicht darthun / noch war machen wird  
können. Dann **S. Churf. G.** wissen Gott lob wol/  
das in einem jeden geordneten Regiment gleich als  
**Staffeln** oder vnterschied der **Stende** sein müssen/  
vnd das vnter solchen **Stenden/ die Graffen/ Her**  
**ren/ vnd die vom Adel** mit begriffen / vnd von ihrer  
**Obrigkeit/ Chur vñ Fürsten** billichen schutz haben.

Das sich aber ihe zu zeiten zwischen **S. Churf.**  
**G.** vnd **ezlichen Graffen/ Herren / oder vom Adel**  
irungen zutragen / solchs hat sich bey **S. Churf. G.**  
zeit nicht erst angefangen / Sondern es seind diese  
bigen zum theil von vielen langen **Jaren** her / vnd  
noch bey **S. Churf. G.** löblichen **Vorfahrn** seliger  
gedechtnis / schon geschwebt vnd anhengtig gewest/  
vnd

vnd der weniger theil bey S. Churf. G. Regierung  
oder durch S. Churf. G. erregt worden/ So wer-  
den auch wenig Chur vnd Fürsten sein/ in dero Res-  
gierungen sich nicht dergleichen Irrungen zue-  
gen.

Daraus aber nicht folget/ Das ire Chur oder  
S. G. derwegen Feinde aller Graffen/ Herrn vnd  
vom Adel sein/oder sie vmb alle ire Freiheiten/ Hab  
vnd Güter zubringen gedechten/ Sondern ist S.  
Churf. G. auch andere Chur vnd Fürsten nicht  
zu vordencken/ das sie vber ihrer Landfürstlichen  
Obrigkeit oder anderer gerechtigkeit halten/ oder  
inen vnerkants Rechts nichts darvon enzie-  
hen lassen. Wie dann S. Churf. G. auch in vor-  
fallenden Irrungen/ niemals jr eigener Richter zu  
sein begeret/ sondern was das Haus zu Sachsen dis-  
fals mit ezlichen Graffen der Steuern vnd Berge-  
werck halben vor Irrungen hat/ dieselben seind vor  
möge des Reichs ordnung vor irer Chur vnd S. G.  
nidergesetzten Neun Rechen zu Rechtlichem aus-  
trag gewiesen vnd vorfasset.

Das aber S. Churf. G. in ezlicher Graffen  
güter/ so von S. Churf. G. zu Lehen gehen/ der selbi-  
gen Graffen glaubigern die Rechtliche hülfte vnd  
anweisung thun hat lassen/ Das hat S. Churf. G.  
den Graffen zu keinen vngnaden oder nachtheil/  
sonder schlecht zur volge irer selbst vorgehenden be-  
willigung vnd eingegangenen vortrege/ vnd dar-  
auff bey S. Churf. G. erlangten Cösens auff gemel-  
ter Glaubiger vnauffhörliches anhalte/ auch aus-  
B gebracht

gebrachte Keyserliche benehlich vnd Promotorial  
nicht vmbgehen können / Do doch S. Churf. G.  
desselbigen / wenn es S. Churf. G. gebüren hette  
mögen / gar viel lieber vberig gewest were / vnd hat  
doch S. Churf. G. darinne diese mas gehalten /  
das sie von derselben Graffen gütern oder Herr-  
schafften / vngeachtet mehrerley vorgestandenen ge-  
legenheit noch bis auff diesen tag nicht den gering-  
sten Steckten an sich gebracht / noch sich sonst der-  
wegen jemals einlassen hat wollen. Doraus ihe ge-  
nugsam zu spüren / wie felschlich S. Churf. G. zu  
gemessen / als ob S. Churf. G. die Graffen vnnnd  
Herrn gerne vordrücken oder vmb alle ire gerecht-  
keit / Hab vnd Güter bringen wolte. Do doch S.  
Churf. G. mehr geneiget ist den Graffen vnd Her-  
ren (es wölte dann einer sonderlich durch trotz / fre-  
uel vnd beharlichem vngehorsam / zu einem andern  
ursach geben) allen gnedigen vnd guten willen zu  
erzeigen / wie auch die Graffen dero iſzo bis in Sie-  
benzehen oder Achzehen aus statlichem vorne-  
men / Graffenheusern / die zum teil S. Churf. G.  
mit gar keinem Lebens noch Dienst pflichten vor-  
wand / in der iſzigen Execution wider die gemelten  
Echter vnd iren Receptatorn bey S. Churf. G. per-  
sönlich im Felde sein / kein anders an S. Churf. G.  
spüren / noch sich alle Ehre vnnnd Friedliebende  
Graffen vnd Herren in gemein eines andern zu S.  
Churf. G. zuuersehen haben.

Was dann die vom Adel anlanget / Kan mit  
gutem grund vnd bestand dargethan werden / Do  
jemals ein Churfürst oder Fürst bey diesen vnsern  
zeiten /

zeiten/ vielen vom Adel viel Gnade vnd guts ge-  
than/ vnd inen zu auffnemen vnnnd wolhart geholfo-  
fen/ Das S. Churf. G. ires theils dasselbige auch ge-  
than habe/ wie dann die Personen/ den solches be-  
schehen/ Oder do vielleicht etliche derselben gestor-  
ben/ doch dero Erben noch vorhanden/ auch noch  
heutiges tages viel ehrlicher vom Adel/ in vnd auß-  
serhalb S. Churf. G. Lande seind/ Die S. Churf.  
G. gnedigen willen vnd wolhat noch weiter in meh-  
rerley wege entfinden.

Vnd ob gleich die auffrührischen Meurmacher  
vnd Rebellen/ jr felschlich vorgeben gerne damit be-  
schönen wolten/ Das S. Churf. G. etlichen jren Vir-  
terthanen vnd Lehenleuten vom Adel jre Jagten/  
oder auch jre Welde/ oder andere Güter abgehan-  
delt. So haben sich doch dieselbigen vom Adel mehr  
der wegen gegen S. Churf. G. zu bedancken/ als zu  
beklagen. Sintemal Landkündig/ do manchem  
sein Gut oder Welde/ sonst vmb den dritten oder  
vierden theil weniger gölten/ do ist es im vmb den  
dritten oder vierden theil höher bezalt worden. Vñ  
ist also keiner/ dem S. Churf. G. etwas abgedrungs-  
gen/ Sondern vmb gute bezalunge abgetaufft/  
oder abgehandelt hat/ dadurch sie mehr gewonnen  
als vorlust gehabt/ vnnnd gar wol damit zu frieden  
sein/ Ja jrer viel haben S. Churf. G. jre Güter  
selbst angeboten. Vnd geschicht solche abhande-  
lung der Jagten bey andern Chur vnd Fürsten/ im  
Reich auch/ Doraus abermals abzunemen/ mit  
wasem grunde/ S. Churf. G. bezichtiget/ als ob  
sie ein Feind dero vom Adel were/ vnnnd dieselbigen

B ij vordrüs

vordrücken wolle / Da doch S. Churf. G. dargegen mit Warheit sagen vnnnd betewern kan / das sie einigen vom Adel / oder auch jemandt geringers stands vnterzudrücken / oder im sein Hab vnnnd Güter wider Recht vnd billigkeit zu entziehen / nihe in sinn genommen.

Seine Churf. G. wissen aber sehr wol / vnnnd weisen es Herzog Johans Fridrichs / vnnnd des verlogenen Ehters Grumbachs newlich nidergeworffene vnnnd auffgefangene Brieffe vnd andere Kuntschafften / aussagen vnd bekentnissen / ezlicher Gesandten / so zu seiner zeit auch an tag kommen sollen / wol aus / welcher gestalt man eine gute zeit herodamit vmbgangen ist / den Adel zu einem gemeinen Auffruhr wider die Key. May. vnd ezliche gehorsame Friedliebende Chur vnd Fürsten / Sonderlich aber / S. Churf. G. auff zu wieglen / vnd also ein erschrecklich Blutbad / auch voranderung vnd zurüttung / des jzigen gegenwertigen Regiments im heiligen Reich / anzurichten.

Wie nun S. Churf. G. an dem / das sie ehrlichen vom Adel feind sein solle / gewalt vn vnrecht geschicht / vnd S. Churf. G. viel mehr zu denen vom Adel / welche Tugent / Ehre / redligkeit vnnnd gemeinen frieden lieben / einen gnedigen geneigten willen tragen / vnnnd denselbigen bishero in vielerley wege nicht geringe gnade vnd wolthat erzeiget haben / als obstehet / Also seind S. Churf. G. dogegen von fromen Adelichen Personen nicht zu vordendencken / Das sie den jenigen / so gemeinen frieden  
des

Des Vaterlands betrüben/rauben/morden/liegen/  
riegen/ vnd S. Churf. G. vnvorschuld / an ihren  
Fürstlichen Ehren/Stand vnd Wirden antassen/  
vñ der selbigen nach Leib/Leben/Landen vñ Leu  
ren trachten/Die sein gleich wes Standes die wol  
len/nicht bey pflichten/ sondern jr Eid vnd pflicht/  
damit sie der Key. May. vñnd dem heiligen Reich  
vorwand/ wie einem auffrichtigen Ehr vnd fried  
liebenden Churfürsten wol anstehet / betrachten.  
Sein Churf. G. wissen auch/das dieselbigen bey iren  
eigenen Vorwandten vnd Freunden / so zum vor  
stande komen/ in solchen iren Landfriedbrüchigen  
vnadelichen vorhaben vnd mishandlungen / nicht  
allein keinen beysal haben/ Sondern auch als die/  
so dem Adels stand (welcher nicht auff Lügen/  
Raub vnd mord/sondern auff tapffere/eheliche vñ  
Ritterliche thaten gestiftet vñ gewiedmet ist)einen  
besondern schandfleck/vorweis / vnd beschwerliche  
nachrede anhängen vnd vorursachen/ geflohen/ ge  
mieden/vnd zum enffersten verdammet werden. Wie  
sie dann reglich viel guter leut vom Adel/so Grum  
bach mit geschmiereten Worten / vñnd zauberischen  
betrug/vnter seine Blutrort gerne zihen wollen/ge  
gen der Key. May. auch Chur vnd Fürsten der we  
gen vnterthenigst entschuldigen oder entschuldigen  
lassen/vñ erzliche aus iren/Grumbachen in Schrif  
ten vor einen Ehrlosen/verlogenen Man öffentlich  
schelten / Das er sie vor seine Mitvorwandte / oder  
Hertzog Johans Friderichs bestelte Obersten oder  
Rittermeister felschlich ausgegeben/vnd dadurch / so  
viel an ihme/in der Key. May. vngnade / vnd ge  
fahr Leibes vñnd Guts gesezet hab / Welcher



Schriefften auch eglliche ime Grumbachen / durch  
Drometer in Gotha zugeschickt sein worden.

Was denn Herzog Johans Friderich bey zeit  
seiner Regierung vor ein Graffen vnnnd Adels  
Freund gewesen sey / do frage man eine gute anzahl  
seiner Düringischen Graffen vnnnd Ritterschafft  
vmb / Welcher etliche er / wider Recht vnd alle bil-  
ligkeit / mit lauterem gewalt jrer Hab vnd Güter be-  
rauber vnd entsetzet / Vnnnd derhalben vnlangst in  
wehrender Belagerung / selbst ein Ausschreiben an  
sie gethan hat / das er künfftig bessere Justitia /  
dann zuuor geschehen / im Lande halten / die Vnter-  
thanen hören / vnd ferner niemand wider Recht bes-  
schweren wolte / etc. Vnd seind es zwar viel fornes-  
mer guter Leut vom Adel im Striift Würzburg /  
vnd an andern orten wol innen worden / mit was  
gnaden vnnnd freundschaft man sie gemeinet / Do  
man auch der Edlen Jungfrawen vnnnd Frawen  
nicht verschonet / Sondern sie nicht weniger als an-  
dere gemeines Standes jres Schmucks beraubet /  
vnd jnen sonst alles herzeleid zugefüget hat.

**Zum Dritten / vnd beschlüsslich /**  
Das Herzog Johans Friderich hochgedachtem  
Churfürsten zumisset / als ob S. Churf. S. jhme  
nach Landen vnd Leuten crachten / vñ dieselbigem  
gern an sich bringen wolte. Vnd vnter demselbigem  
schein ime gerne wider S. Churf. S. einen anhang  
machen / vnnnd den Adel zum auff stand erwecken  
wolte / Solches ist eine so gar offenbarliche vnnnd  
greiff?

greiffliche Unwarheit/ das sie Keiner sonderlichen  
Widerlegung oder Vorantwortung bedarff. Die/  
weil vor augen/ das S. Churf. G. Keinen Strecken  
oder Forche seines Landes ihe begeret/ viel weni/  
ger eingenomen/ oder an sich gezogen hat/, Unge/  
achtet das S. Churf. G. gnugsam ursache vnd ge/  
legenheit darzu gehabt/ Dann welcher gestalt die  
Key. May. in krafft ihrer offenen Mandaten/durch  
ihren vnd des Reichs Ehrnholden/mit rath vnd zu/  
thun S. Churf. G. Herzogen Johans Wilhelmen  
zu Sachsen/ als dem nechsten Agnaten vnnnd ges/  
horsamen Fürsten/ Herzog Johans Friderichs  
gewesen antheil Landes/ anweisen vnd einräumen  
lassen/das ist dem ganzen Lande bewußt/ So wer/  
den auch seine nechste Blutsfreunde die Chur vnnnd  
Fürsten das widerspiel/ vnd wie freundlich sich S.  
Churf. G. jeder zeit gegen ime erzeiget vnd erboten  
hat/bezeugen/ Vnd in Summa/ S. Churf. G.  
Können mit Gott vnd guten Gewissen reden vnd be/  
reuern/ Das sie jr zuuorn/ vnd ehe dann S. Churf.  
G. von der Key. May. diese Execution aufferleget  
wordē/die zeit ihres Lebens/ nihe in sinne genomen/  
das wenigste wider Herzog Johans Friderichen  
mit der that zu handeln / Zugeschweigen / das sie  
ime noch Landen vnd Leuten trachten/ vnd diesel/  
bigen gerne an sich bringen solte haben wollen.  
Dann welcher gestalt S. Churf. G. im anfang  
ihrer Regierung/ aus freiem freundlichen guten wil/  
len/ime vnd seinen Brüdern/erliche statliche Emp/  
ter/Klöster/Stede/vnd Güter/so Zerlich viel tau/  
sent gülden nuzung ertragen/sampt erliche Graf/  
fen/Ritterschafft/ Lehenschafften/ Volge vnnnd  
Steur/

Stener / auch eine ansehnliche grosse Summa bar  
res Geldes / gegeben vnd zukommen lassen / Das ist  
den Chur vnd Fürsten / auch andern Potentaten / so  
solches gehandelt / genugsam bewust / Vnd es wei  
sen es auch / derselbigen auffgerichte / vnd hernach  
inn schwerung der Erbeinigung mit seinem Her  
zog Johans Friderichs leiblichen Eid betewerten  
Siegel vnd Brieff klerlich aus / Dem er aber seines  
teils im wenigsten volge geleistet.

Was auch seine Churfürstliche G. vor vorzug  
vnd ausflucht gesucht / das sie diese Execution gerne  
verhütet gesehen / vnd derer viel lieber vberig gewes  
sen weren / da dieselbige nicht auff dem Reichstage  
eintrechtlich also beschlossen / vnd seine Churf. G.  
von der Kay. May. mit erinnerung ihrer Eid vnd  
Pflicht / damit sie ihrer Kay. May. vnd dem heil  
gen Reich zugethan / so ernstlich auffgelegt worden  
 weren / das thun ihrer Kay. May. selbs inn Druck  
 gegeben ernste Mandata / vnd andere Urkunden  
 genugsam bezeugen.

Wie aber Herzog Johann Friderich seine C.  
G. hinwider gemeint / vnd er die Leibliche geschwor  
ne Erbeinigung vnd vortrege gehalten / das weist  
 das Werck der öffentlichen Receptation der Ech  
ter / so seinen Churfürst. G. nach Leib vnd Leben /  
 Landen vñ Leuten getrachtet / vñ die ausgespreng  
 ten vielfaltigen Schmeheschriefften gnugsam aus.  
 Welcher teil auch dem andern nach seinen Landen  
 vñ Leuten / Ja auch nach seinen Wirthen / Stande /  
 Namen vnd Wappen trachtet / das ist nicht alleine  
 aus

aus dem manichfeltigen Schrifftren vnd Reden der  
man sich nun engliche Jhar her/ an vielen orten vnt  
uerholen vornemen hat lassen/ Sondern auch aus  
Grumbachs jüngst nidergeworffenen Brieffen an  
Ernstten von Mandesloe/ vnnnd dann aus vorgese  
licher/ curstiger anmassunge des gebornen Churf  
fürsten Namens vnd Titels/ auch vnterstandenen  
gebrauchs des Churwappens / welches er 170 im  
Secret vnd auff der Münze füret/ vnnnd sich also  
selbst zum Achten Churfürsten auffgeworffen hat/  
gnugsam abzunemen.

Wie dann dieses vnd anders zu seiner zeit mit  
grund vnd bestand wol weiter an tag gebracht kan  
werden. Dann weil es zu diesem der Key. May.  
vnd des heiligen Reichs gemeinen Execution vnd  
Justicien werck nicht gehört. So haben auch  
S. Churf. G. auff dismal das jenige allein vorantz  
worten vnd widerlegen wollen/ das S. Churf. G.  
bey vorrichtung ires Obersten Ampts in angefang  
ener vnd wehrender dieser Execution/ felschlich ist  
zugemessen worden.

Vnd stellen S. Churf. G. in Keinen zweiffel/  
alle hohes vnd nider Standes Ehrliebende/ wer  
den denen oben angezogenen vnerfindliche Lügen  
vnd Vorleumbdungen/ so die Ehrer vnnnd ire An  
henger/ als dero vnwarheit/ lügen vnd betrug bis  
her in mehrerley wege erkand vñ erfunden worden.  
In diesem oder anderm fall wider die Key. May.  
vnd S. Churf. G. thun aussprengen/ vnnnd zu be  
C schde

Schönung ihrer Rebellion/ vnd weiter vorhabenden  
Auffrühr zum vorteil vnuorschempt in die Leute  
bilden/ keinen Glauben zustellen/ viel weniger den/  
selbigen einigen beysal geben/ Sondern viel mehr  
ihrer Key. May. allen vnterthenigsten schuldigen  
gehorsam/ hülff vnd beystand/ wider sie als die ver/  
stockten Echter vnd Rebellen/ leisten/ vñ S. Chur.  
G. als die sonder rhum zu schreiben/ bey der waren  
Christlichen Religion bishero bestendiglich verhar  
ret/ vnd darinne nie keine vorenderunge noch vor/  
felschung in iren Landen geduldet/ auch allen Ehe  
lichen Graffen/ Herrn vnd vom Adel/ die sich Ades  
licher Tugend/ Erbarkeit/ Friedes/ Ruhe/ vnd Ge  
rechtigkeit beflüssigen/ mit allem gnedigem willen  
geneiget ist/ Zugeschweigen/ das sie dieselbigen an  
feinden/ oder gerne vordrücken/ oder vmb ire Frei  
heiten/ Hab vnd Güter bringen wolte. Viel weni  
ger durch diese Execution Herzog Johans Frieder  
richen/ nach seinem gewesenen Lande zutrachten/  
oder dieselbigen an sich zu bringen begeret/ sondern  
allein aus schuldigen gehorsam/ vñnd in Krafft ihrer  
Eyd vnd pflicht/ damit sie der Key. May. vnd dem  
heiligen Reich vorwand ist. Solche Execution  
neben anderen Deputirten Reichs Kreissen/ mit  
grosser beschwerung auff sich nemen hat müssen/ sol  
cher obangezogenen erdichteten bezichtigung hal  
ben/ vñschuldig/ wie sie dann ist/ halten/ Vnd sich  
durch niemand/ wer der auch sey/ eines andern bere  
den lassen. Das alles ist S. Churf. G. vmb einen  
jeden seinem Stande nach/ Zu dem/ das es an ihme  
selbst

selbst billich/ auch freundlich zuuordienen/ vnd  
gnediglich zu beschulden erbötig. Geben im  
Lager vor Gotha zu Holtbach/ Den 10.  
Martij/ Der wenigern Zahl/ Im Sie/  
ben vnd Sechzigsten Jahre.



Handwritten text in a Gothic script, likely a title or a short passage, located at the top of the page. The text is somewhat faded and difficult to read.



































AB 52  $\frac{4}{h.13}$   
1

ULB Halle

3

004 067 266




TA-0C





**Kurtze**  
tung des Chu  
hogen Augusti/er  
tigen Bezichtigu  
Echter/ vnd iren  
G. ausgebreitet  
dem schein / geg  
Mayt. vnd des h  
tion/die ware G  
Graffen/Herren  
Herzogen Jol  
gewesene

Anno



**Farbkarte #13**



ff  
en  
rf.  
ter  
en  
cu  
Die  
ich

